

BAUTISMO LP DHADDY BROKKE NA HULANDA



ORANJESTAD(AAN) -- E cantante Arubiano, Dhaddy Brokke, a bautisa su LP y CD nobo na Kabinet di Aruba na Den Haag.

E LP aki, manera ta conoci ta dedica na nos gran maestro Padu del Caribe.

Tur e cancionnan ariba e LP ta ser canta door di Dhaddy Brokke y ta composicionnan di Padu del Caribe.

Dhaddy a escoge como madrina di su disco Minister Plenipotenciario di Aruba, E. Tromp-Yarzaray, como padrino Ministro Plenipotenciario di Antiyas, E. Jessurun.

Na e ocasion aki tambe Dhaddy a entrega Tromp-Yarzaray un trofeo simbolizando e man di Padu del Caribe.

Esaki como muestra di gratitud na Arubahuis cu a yuda den realisacion di e disco. Ella Tromp-Yarzaray a expresa di ta sumamente honra y orguyoso cu a tuma e iniciativa di duna homenaje na un gran Arubiano, artista, compositor, pintor cu ta Padu Lampe.

Tromp-Yarzaray a enfatisa cu e importancia di nos cultura ta asina grandi,

no solamente pa e actual generacion sino tambe pa e futuro generacion.

"Padu Lampe lo ta pa semper un simbolo di nos cultura musical. Como compositor di nos himno

nacional: "Aruba dushi tera", ta na su lugar pa dune tur homenaje".

Ariba e foto por mira momento cu e bautismo di e LP "Homenaje na Padu" a tuma lugar.